

IRVING ESPINOSA BETANZO

Ti Irving Espinosa Betanzo ja' mexicano xchanoj lek vun pe mauk no'ox ta xchapanvan, ep k'ustik smakoj sna' spasel, oyxa 25 ja'vil yabtejelbal, stik'oj ta sjol ta yo'onton li k'usi yabtele xchiuk lekuk xchapbenal st'ujel ajvaliletik ta jlumaltik; ja'o k'alal liktal yabtel ja' la sk'el ti lekuk xbat chapanel k'usitik sk'an k'elel, xchiuk bats'i chich' tsakel ta muk' ti k'usitik oy ta yok sk'obtik stak' jpastik xchiuk ti epajuk yipal ti teklume.

Tana li'e ja' muk'ta j-abtel sbi Magistrado ta Tribunal yu'un Justicia Administrativa ta Ciudad de México, ja' yich'oj ta venta ti Sección Especializada sbi, sk'el bu mu chopol abtel oy ta jlumaltik "Materia de Responsabilidades Administrativas (Anticorrupción)" te ta yut mukta na sbi "Sala Superior".

K'u xa yepal jech abtejem, ech'em ta yoxibal poderetik; abtej ta Consejería Jurídica xchiuk ta Servicios Legales ja'o k'alal to'ox Sgobierno Distrito Federal abtej kucha'al Subdirector sventa Trámites Inmobiliarios xchiuk Jefe de Unidad Departamental de Expropiaciones y Desincorporación (2000-2008); xchiuk la spas Secretarioal Técnico de la Comisión de Desarrollo Social ta stojol Asamblea Legislativa yu'un Distrito Federal xchiuk koltavan spasel xchapanel k'usitik sk'an ta Cámara de Diputados. Abtejem ta Procuraduría General de Justicia de la CDMX ja' to'ox Subprocurador Jurídico, de Planeación, Coordinación Institucional xchiuk yu'un Derechos Humanos (2018-2019) le' ta vakib ja'vile ja Magistrado yabtel.

Ta 2025 la yich' tu'jel yu'un Poder Judicial kucha'al Ministro ta Suprema Corte de Justicia de la Nación.

Ja' Licenciado xchuk Maestro tsutsem xchanun ta Derecho ta Universidad Nacional Autónoma de México (UNAM), jech xtok bats'il lek xchanoj vun, sna' spas yabtel xchiuk ja' Maestro ta Gestión Pública sventa Buena Administración xchiuk kandidato ta Doctor yu'un Administración Pública ta stojol Instituto Nacional de Administración Pública (INAP).

Jech xtoke ti yabtelal ta spase, ja' xtok chanubtasvanej ta Chanovun Escuela de Derecho Ponciano Arriaga, ta Instituto Rosario Castellanos xchiuk Instituto de Especialización xchiuk ta Formación Profesional yu'un Fiscalía General de Justicia de la CDMX. Jech xtok x-abtej xchiuk Asociación Nacional de Abogados Democráticos, ja' te chabtelan ti ko'oluk tsakalotik ta muk' jkoltotik xchiuk lekuk tuk' xbat chapanel k'op.

Ti k'uxa yepal abtejem ja' sk'eloj ti lekil tuk' abtel xich' pasel, ti k'usi ta xchapanane tsk'an lek tuk' stsakelbal smelol ta jlumaltik, ja' ta sat ti lekil chapanel ta stojol ti krixanoetik, ta skoltasba ta nopol yu'un ti buch'u sk'an koltael, ti kuyelan ich' tsakel ta muk' k'usi oy ta yok k'obil stak' pasel xchiuk tubel ti chopol abtelal.